



Llywodraeth Cymru
Welsh Government

Deddf Iechyd y Cyhoedd (Isafbris am Alcohol) (Cymru) 2018



Isafbris Uned ar gyfer Alcohol yng Nghymru

O 2 Mawrth 2020, bydd yn drosedd gwerthu a/neu gyflenwi alcohol am lai na 50c yr uned – o dan Ddeddf Iechyd y Cyhoedd (Isafbris am Alcohol) (Cymru) 2018.

Mae'r gyfraith hon yn rhan o ymgyrch eang a pharhaus Llywodraeth Cymru i leihau lefelau yfed peryglus a niweidiol yng

Nghymru. Ei nod yw diogelu iechyd y rheini sy'n yfed lefelau uwch o alcohol rhad a chryf.

Fel manwerthwr, dyma'r hyn y dylech ei wneud

Rydym yn eich cyngori i gymryd y camau canlynol i sicrhau nad ydych yn gwerthu alcohol am lai na'r isafbris.

1 Cyfrifo'r isafbris priodol ar gyfer cynnyrch alcohol.

Creu polisi ynghylch pa symiau disgownt (os oes rhai) a allai gael eu defnyddio mewn perthynas â'r cynnyrch hwn yn eich siop, a'u prosesu i wneud yn siŵr na fyddai unrhyw ddisgownt yn golygu y byddai'r pris gwerthu'n llai na'r isafbris.

Newid y pris (os bydd angen) ar y systemau prisio canolog, er mwyn sicrhau bod y pris cywir yn gysylltiedig â'r cod bar ar y cynnyrch.

4 Cyn gweithredu unrhyw newidiadau i brisiau, cofiwch newid y prisiau ar y canlynol:

- ☐ tagiau neu labeli sy'n dangos y prisiau ar y silffoedd;
- ☐ bwydlenni;
- ☐ posteri, taflenni neu ddeunyddiau eraill sy'n hyrwyddo'r cynnyrch;
- ☐ gwefannau.

Mae'n hanfodol bod pob pris yn glir ac yn ddiamwys i'r cwsmeriaid, ac nad ydynt yn cael eu camarwain.

Cyfrifo'r isafbris priodol ar gyfer alcohol

Mae'r Ddeddf yn cynnwys fformiwla y mae'n rhaid ei defnyddio i gyfrifo'r isafbris priodol.

Bydd y fformiwla hon yn cynnwys yr isafbris uned (MUP), canran cryfder yr alcohol, a'r cyfaint. Cafodd y fformiwla ei chreu gyda'r bwriad o dargedu alcohol sy'n rhad ac yn gryf, gan fod y bobl sydd yn y perygl mwyaf o gael niwed o yfed alcohol yn dueddol o yfed y diodydd hyn.

Yr isafswm uned ar gyfer alcohol yw 50c.

Os bydd diod sy'n cynnwys alcohol yn cael ei gwerthu am bris sy'n uwch na'r isafbris priodol, ni fydd angen newid y pris hwnnw. Os yw'r ddiod yn cael ei gwerthu ar hyn o bryd am lai na'r pris priodol, bydd yn rhaid codi'r pris hwnnw.

O dan y Ddeddf, rhaid cyfrifo'r isafbris am alcohol a werthir neu a gyflenwir yng Nghymru drwy ddefnyddio'r fformiwla ganlynol:
50c (MUP) x Cryfder x Cyfaint

Sut i gyfrifo'r isafbris:

		50c	X Cryfder	X Cyfaint	= Isafbris
Gwirodydd		0.5	40.0%	1 Litre	£20.00
Pecyn o 12 botel x 330ml		0.5	4%	3.96L	£7.92
Gwin		0.5	12.5%	0.75L	£4.69
Lager/ Cwrw/ Seidr	 	0.5	3.6 / 5.2%	0.568L	£1.02 / £1.48
Un mesur o wirod		0.5	40.0%	0.025L	50c

Troseddau

Bydd manwerthwyr sy'n gwerthu neu'n cyflenwi alcohol am bris sy'n llai na'r isafbris yn torri'r gyfraith.



Gellir rhoi hysbysiad cosb benodedig i'r rheini sy'n torri'r gyfraith, neu efallai bydd yn rhaid iddynt fynd gerbron y llys gyda'r posibilrwydd o gael mwy o gosbau.

Swm y gosb yn yr hysbysiad fydd £200 os caiff ei dalu o fewn 29 diwrnod, neu £150 os caiff ei dalu o fewn 15 diwrnod.

Dyddiad gweithredu

O dan y Ddeddf, bydd y gofynion isafbris am alcohol yn dod i rym yng Nghymru o 2 Mawrth 2020.

Rhagor o wybodaeth a chyfarwyddyd

Awdurdodau lleol fydd yn gyfrifol am orfodi'r gofynion isafbris am alcohol yng Nghymru. Dylech gysylltu â'ch awdurdod lleol i gael rhagor o wybodaeth am yr hyn sydd i'w ddisgwyl o ran arolygu a gorfodi.

I gael rhagor o wybodaeth am y Ddeddf, cysylltwch â:
DeddfIaA.MUPAct@llyw.cymru

I gael canllawiau ar yr Isafbris Uned am Alcohol, ewch i wefan Llywodraeth Cymru:

<https://llyw.cymru/isafbris-uned-ar-gyfer-alcohol-canllawiau-ar-gyfer-manwerthwyr>